

## ՓՈՒՆԸՍԲՈՆՍԱՆ ՀՈՒՇԱԳԻՐ

Զ. Երևան

18 նոյեմբերի 2008թ.

Սույն Փոխըմբռնման Հուշագիրը կնքվում է ՀՀ Էներգետիկայի և բնական պաշարների նախարարության (այսուհետ՝ Նախարարություն) և Դինո Գուլ Մայնինգ Քամփնի ՓԲԸ ընկերության (այսուհետ՝ Ընկերություն) միջև, որոնք համատեղ կոչվում են կողմեր: Հուշագրի նպատակն է համատեղ ջանքերով կառավարել համաշխարհային տնտեսական ճգնաժամի բացասական հետևանքները և նպաստել Ընկերության բնականոն գործունեությանը: Կողմերը պայմանավորվում են, որ Հուշագրով ամրագրված պարտավորությունները վերջնականապես կամրագրվեն փոխադարձ համաձայնագրով, որը պետք է ստորագրվի սույն Հուշագրի ստորագրումից հետո մեկ շաբաթվա ընթացքում: Սույն Հուշագրով կողմերը պայմանավորվում են հետևյալի շուրջ.

Ընկերությունը համաձայն է իրականացնել հետևյալ միջոցառումները.

2008թ. նոյեմբերի 18-ից Ընկերությունը երեք ամիս ժամկետով ձեռնպահ կմնա Կապանի ձեռնարկության աշխատողների աշխատանքային պայմանագրերը լուծելուց ՀՀ աշխատանքային օրենսգրքի 113-րդ հոդվածի հիմքերով:

2008թ. նոյեմբերի 19-ից երեք ամիս ժամանակով Ընկերությունը իր աշխատողների մոտ 65 տոկոսին կուղարկի հարկադիր պարապուրդի: Վճարումը պարապուրդի ժամանակ կկատարվի ՀՀ աշխատանքային օրենսգրքի 186-րդ հոդվածով սահմանված կարգով: Մնացած աշխատակիցները նույն ժամանակահատվածում կշարունակեն ամբողջ դրույքով վարձատրվող աշխատանքը:

Մեր հանդիպումների ընթացքում պարզ դարձավ, որ, եթե երեք ամսվա ընթացքում մետաղի գները և առաջարկված այլ լուծումները նկատելի վերելք չապահովեն, ապա Կառավարությունը կաջակցի Դինո Գուլ Մայնինգ Քամփնի ընկերության հայեցողությամբ գործողությունների նախկինում մշակված ծրագրի իրականացմանը:

Հարկադիր պարապուրդի ուղարկված աշխատակազմը Գլխավոր տնօրենի հայեցողությամբ ռոտացիոն կարգով կփոխարինվի լրիվ դրույքաչափով վճարվող աշխատակազմի հետ՝ որպեսզի հնարավորություն ստեղծվի առավելագույն թվով աշխատողների ընդգրկել աշխատանքային գործընթացի մեջ և նրանց համար ապահովել լրիվ դրույքաչափով վճարում: Այն աշխատողները, ովքեր աշխատանքային հանձնարարություն ստանալիս կամ հետ կանչելիս չեն ներկայանա աշխատանքի, կենթարկվեն համապատասխան կարգապահական տույժի՝ համաձայն ՀՀ աշխատանքային օրենսգրքի 223-րդ հոդվածի:

Նախարարությունը համաձայնվում է հետևյալի շուրջ.

1. Նախարարությունը համաձայն է սույն Հուշագրի Հավելված 1-ում նշված առաջին կետի հետ, ըստ որի նախատեսվում է երկարաձգել Շահումյանի հանքի լիցենզիայի ժամկետը: Լիցենզիայի ժամկետի երկարաձգման մասին կողմերի մտադրությունը կամրագրվի սույն հուշագրի նախաբանում նշված համաձայնագրով.

ա. Լիցենզիայի երկարաձգում 12 տարով և լիցենզային պայմանագրի երկարաձգում մինչև լիցենզիայի ժամկետի ավարտը:

բ. Նախարարությունը կփոփոխի լիցենզիային պայմանագրում նշված հանքարդյունահանման ծավալները և կսահմանի նոր ծավալներ՝ կախված ջարդման և աղացման արտադրամասերի ներկա հզորությունից և կորզման ցուցանիշներից: Հանքարդյունահանման ծավալները ենթակա են փոփոխման տնտեսական ոչ բարենպաստ և ֆորս-մաժոր իրավիճակներում, որոնք կարող են հանգեցնել արտադրական պրոցեսի դադարեցմանը:

2. Հավելվածի երկրորդ կետի առնչությամբ Նախարարությունը համաձայնվում է սույն Հուշագրի ստորագրման պահից հետ վերցնել Կենտրոնական հանքի լիցենզիան և չեղյալ համարել Ընկերության կողմից կատարման ենթակա պայմանագրային պարտավորությունները՝ բացառությամբ միայն հետևյալ բնապահպանական պարտավորությունների.

ա. Կենտրոնական բաց հանքի առնչությամբ Ընկերության բնապահպանական պարտավորությունները սահմանափակվում են հետևյալով.

i. Ընկերությունը բաց հանքի ռեկուլտիվացիայի աշխատանքներին մասնակցում է իր կողմից կատարված արդյունահանման աշխատանքների ծավալների համամասնությամբ (որը որոշվում է ii-կետում սահմանված կարգով)՝ նոր լիցենզատուի կողմից ռեկուլտիվացիոն աշխատանքների համար գնահատված ծախսերի իր մասնաբաժնի չափով:

ii. Ընկերության մասնաբաժինը որոշվում է իր կողմից բաց հանքում արդյունահանված ծավալները բաժանելով բաց հանքի ամբողջ գործունեության ընթացքում արդյունահանման ընդհանուր ծավալների վրա, և արդյունքը բազմապատկելով ռեկուլտիվացիոն աշխատանքների համար նախատեսված գումարով: Ընկերության մասնաբաժինը պետք է հաշվարկվի, համաձայնեցվի և վավերացվի սույն հուշագիրը ստորագրելուց հետո մեկ շաբաթվա ընթացքում:

բ. Ստորգետնյա աշխատանքների համար Ընկերության պարտավորությունները պետք է սահմանվեն նախաբանում վկայակոչված համաձայնագրով:

3. Հավելվածի երրորդ կետի առնչությամբ Նախարարությունը համաձայն է, որպեսզի ուսումնասիրության լիցենզիան փոփոխվի և ուսումնասիրվող օգտակար հանածո «պղինձը» փոխարինվի «բազմամետաղայինով»:

ա. Ընկերությունը կներկայացնի դիմումը՝ սույն հուշագրի ստորագրման պահից յոթ օրվա ընթացքում ուսումնասիրության լիցենզիայում համապատասխան փոփոխությունը կատարելու համար:

4. Այլ պայմանները հետևյալն են.



ա. Նախարարությունը կվերահսկի, որպեսզի ԱԱՀ-ի վճարումները կատարվեն սահմանված ժամկետների ընթացքում:

բ. Նախարարությունը համաձայն է օգնելու Ընկերության լեռնափրկարարներին տալ լեռնափրկարարական գործունեություն իրականացնելու համար թույլտվություն:

գ. Նախարարությունը համաձայն է, որ օգնելու է Ընկերությանը իրականացնի չվճարված գիշերավճարների դիմաց փոխհատուցման գործընթացը 2009թ. հուլիսի 1-ից: Վճարումները կկատարվեն Ընկերության կողմից ողջամտորեն կազմված ժամանակացույցի հիման վրա՝ համաձայնեցված Նախարարության հետ:


դ. Նախարարությունը համաձայն է օգնել Ընկերությանը ստանալ ռադիո հաճախության օգտագործման թույլտվություն՝ ռադիո ալիքներով գործող հեռակառավարման սարքավորումները հանքերում կիրառելու նպատակով:

ե. Նախարարությունը համաձայն է մոտ ապագայում կազմակերպել հանդիպում Ընկերության և վերջինիս գործունեությունը վերահսկող մի շարք նախարարությունների միջև: Մինչև հանդիպման կազմակերպելը Ընկերությունը կներկայացնի հանդիպման օրակարգը և քննարկման համար առաջարկվող հարցերի ցանկը:

ՀՀ Էներգետիկայի և Բնական  
Պաշարների Նախարար պարոն՝

Դինո Գուր Մայնինգ Քամփնի ՓԲԸ  
տնօրեն պարոն՝

Արմեն Մովսիսյան



Ռոբերտ Ֆելլետտա

